



**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**GRADSKO VIJEĆE**

**O D L U K A**  
**o sufinansiranju kulturne manifestacije od posebnog interesa za Grad Sarajevo**  
**61. Internacionalni teatarski festival MESS 2021**  
**(prijedlog)**

**Predlagač: Gradonačelnica Grada Sarajeva**  
**Obrađivač: Gradska služba za obrazovanje,**  
**kulturu, sport i mlade**

**Sarajevo, juni 2021. godine**

**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 216 659  
**Fax:** +387 33 205 874  
**Email:** gsgv@sarajevo.ba  
**Web:** gradskovijece.sarajevo.ba



Na osnovu člana 26. stav 1. tačka 2. Statuta Grada Sarajeva ("Službene novine Kantona Sarajevo", broj 34/08 - prečišćeni tekst), te člana 6. Odluke o utvrđivanju i načinu sufinansiranja kulturnih manifestacija od posebnog interesa za Grad Sarajevo ("Službene novine Kantona Sarajevo", broj: 10/19), Gradsko vijeće Grada Sarajeva, na sjednici od \_\_.\_\_.2021. godine, donosi:

(prijedlog)

## **O D L U K U**

### **o sufinansiranju kulturne manifestacije od posebnog interesa za Grad Sarajevo 61. Internacionalni teatarski festival MESS 2021**

#### **Član 1.**

Ovom Odlukom Gradsko vijeće Grada Sarajeva učestvuje u sufinansiranju kulturne manifestacije od posebnog interesa za Grad Sarajevo, 61. Internacionalni teatarski festival MESS 2021, koja će se održati u periodu od 01.10. – 08.10.2021. godine, uz finansijske obaveze Grada Sarajeva u ukupnom iznosu od 12.000,00 KM.

#### **Član 2.**

Sredstva iz člana 1. Odluke namjenski se usmjeravaju za sufinansiranje troškova organizacije manifestacije.

#### **Član 3.**

Sredstva se odobravaju iz Budžeta Grada Sarajeva za 2021. godinu („Službene novine Kantona Sarajevo“, broj 2/21), sa pozicije 614100: Tekući grantovi drugim nivoima: Projekti u oblasti kulture: Primjena Odluke o finansiranju kulturnih manifestacija od interesa za grad.

#### **Član 4.**

Gradonačelnica Grada Sarajeva će sa organizatorom manifestacije zaključiti poseban Ugovor kojim će se regulisati međusobna prava i obaveze.

#### **Član 5.**

Za realizaciju ove Odluke zadužuje se gradonačelnica Grada Sarajeva.

#### **Član 6.**

Odluka stupa na snagu narednog dana od dana objavljivanja u "Službenim novinama Kantona Sarajevo".

**PREDSJEDAVAJUĆI GRADSKOG VIJEĆA  
GRADA SARAJEVA**

**Jasmin Ademović**

**Broj:  
Sarajevo, \_\_.\_\_. 2021. godine**

## **OBRAZLOŽENJE**

### **PRAVNI OSNOV**

Pravni osnov za donošenje Odluke sadržan je u članu 26. stav 1. tačka 2. Statuta Grada Sarajeva, kojim je propisano da Gradsko vijeće donosi odluke, druge propise i opće akte i daje njihovo tumačenje, te u članu 6. Odluke o utvrđivanju i načinu sufinansiranja kulturnih manifestacija od posebnog interesa za Grad Sarajevo, kojim je, između ostalog, propisano da konačnu Odluku o sufinansiranju kulturnih manifestacija donosi Gradsko vijeće Grada Sarajeva.

### **RAZLOZI DONOŠENJA**

JU MES – Međunarodni teatarski festival Scena MESS uputila je Gradskoj upravi Grada Sarajeva zahtjev za sufinansiranje 61. Internacionalnog teatarskog festivala MESS 2021, zaprimljen pod brojem 09-11-3109/21 od 25.05.2021. godine, a koji će se održati u periodu od 01.10. – 08.10.2021. godine. Uz zahtjev za sufinansiranje manifestacije, dostavljen je program, specifikacija troškova neophodnih za realizaciju te druga potrebna dokumentacija. Navedeni iznos visine sredstava planiran je sufinansiranje troškova organizacije manifestacije.

Gradska služba za obrazovanje, kulturu, sport i mlade je u skladu sa članom 6. Odluke o utvrđivanju i sufinansiranju kulturnih manifestacija od posebnog interesa za Grad Sarajevo, razmotrila program manifestacije te je cijeneći kvalitet i značaj predmetne manifestacije, svoje stavove i mišljenje dostavila Savjetu za kulturu.

Savjet za kulturu je na sjednici od 23.06.2021. godine razmotrio prijedlog nadležne Službe te shodno valjanosti, značaju i kvalitetu ponuđenog programa, svoje mišljenje, kao i prijedlog visine dodjele sredstava uputio na daljnju proceduru.

61. izdanje Internacionalnog teatarskog festivala MESS 2021 je dokaz da je riječ o festivalu bogate tradicije i jednom od najvećih regionalnih i visoko rangiranih internacionalnih teatarskih festivala. Ove godine na Festivalu će se prikazati četiri internacionalne predstave, kao i četiri predstave iz regiona. U ovogodišnjem Festivalu planiran je i nastavak projekta Platforma MESS – koprodukcijaska saradnja Festivala MESS sa ostalim pozorišnim kućama iz Sarajeva i BiH, koja će rezultirati festivalskim premijerama u sarajevskim i bh. pozorištima. Također, nastavlja se sa „Shift Key“ projektom saradnje sa tetarskim umjetnicima iz cijele Evrope. Mali MESS 2021 – program posvećen djeci i mladima će predstaviti najnovija internacionalna i regionalna teatarska izdanja. Nagrade koje će biti dodijeljene tokom Festivala su: Zlatni lovorov vijenac za doprinos umjetnosti teatra, te Zlatni lovor vijenac za razvoj scenske umjetnosti.

Shodno iznesenom te cijeneći značaj ovakvog događaja za grad Sarajevo, Gradsko vijeće Grada Sarajeva je shodno Odluci o utvrđivanju i načinu sufinansiranja kulturnih manifestacija od posebnog interesa za Grad Sarajevo, donijelo ovu Odluku.

### **FINANSIJSKA SREDSTVA**

Finansijska sredstva za realizaciju ove Odluke obezbijedena su u Budžetu Grada Sarajeva za 2021. godinu.